

漢詩拾遺 卷一



滇詩拾遺



宣統元年
刊於昆明

滇詩拾遺序

吾滇僻在天西南其人士往往安於樸陋不以文采自炫於當時則身後未莫無名亦何足怪然天之生才不限以地亦時有懷奇抱異不能自祕而發之爲詠歌者方其嘔心血鏤肝腎長言永歎而爲之詎不曰千秋萬歲或有人知我哉及其老且死其所作或竟不傳或傳矣而不能久皆可悲也後之人得其所作又弗爲之珍護卒使之飄零散落無一字一句流播人間此尤堪爲痛哭者而賢人君子顧不之措意豈以詩爲小技非古聖賢所重耶吾意古聖賢者淫哇綺調則不屑爲正大之聲和平之響忠厚悱惻之詞慷慨悲歌之語

滇詩拾遺

卷一序

一

八六

得志則爲之以鳴國家之盛不得志則亦爲之以自鳴其不平詩三百篇其彰明較著者也奚爲而不重故吾於鄉先輩之詩凡已刊者未刊者及已刊而復毀者或有心訪得之或無意邂逅之必擇其尤雅者以存諸册名之曰滇詩拾遺蓋欲於袁氏詩畧黃氏嗣音集許氏重光集之外廣其搜羅也本欲俟積之既多哀然成裘乃次其時代之先後而彙刊焉繼思予之孤陋交遊不能廣耳目不能周安能網羅散失有哀然成裘之一日不獲已乃隨所得而錄之卽隨所錄而刊之積至數十葉則別爲一卷又積至數十葉則又別爲一卷期於入吾手者不使之飄零散落斯已耳至時代之先後闕

者合觀其人之敘畧自能見之今固不及一一爲之次第也
鄉之士大夫有藏先輩遺稿者乎諒此苦心庶幾出以示我
矣光緒癸卯十月昆明陳榮昌識於五華山麓

滇詩拾遺

卷一序

二

十一

滇詩拾遺卷一目錄

明

蘭茂詩三十五首

附賦一篇 元壺集一卷

賈惟孝詩十九首

楊一清詩六十一首

滇詩拾遺

卷一目錄

三

滇詩拾遺卷一

昆明陳榮昌小圃氏輯

蘭茂

字廷秀號止菴別號和光道人嵩明之楊林人明洪武時布衣學求六經究心濂洛關閩之微旁及諸子

百家無不通曉當時目為小聖人後之論者稱為人英又稱其出而用世當與劉宋方駕其著述散失惟聲律發崇盛行予得鈔本元壺集及古近體詩四十餘首除滇南詩畧已選者不復錄錄其詩三十五首

正統乙丑年四十九用李太白紫極宮感秋詩韻

皎皎窗前梅娟娟雪中竹相看坐清曉幽思如可掬歲晚岩谷間逍遙覺吾獨人生百年身何意遽廬宿過眼四十九未來難預卜昔人當此年仕路幾往復吾甯虛以鼓勝彼滿而覆萬事莫問天思之已爛熟

滇詩拾遺

卷一

蘭止菴

送春曲

滿斟金叵羅拍手花下歌歌停拍手顏漸酩留春不住如春何遙憐春風面人生幾能見仰看枝上華回首驚子片飄飄搖搖落未已半委塵埃半流水游絲飛絮強欲遮啼鳥一聲春去矣春去矣何時來明年東風花又開花開留春花落送我於東風情頗重但願朱顏不老待東風酒邊花下長相從

一唱三歎讀者亦當拍手歌之

雪詩賦成白戰三十韻

朔風鼓空雲四塞江涵雁影山失色黃昏樓外雨紛紛夜久簷聲不成滴寒侵詩骨愁無寐窗撲凍蠅破岑寂晨門之子

開復扁報道階前雪盈尺聞已欣然命衣起衣棧不待熏篝
炙摩挲倦眼一登臨且看天公作嬉劇雕鏤細屑有如許簸
弄飄揚殊未息但觀縹渺空中來豈料輕盈地上積旋轉時
能作舞態徘徊稍見穿簾隙屋瓦模糊溝隴平庭軒內外光
交射包羅萬象入清境妝點窮冬鬥奇特羲和避舍暫埋輪
滕六乘時恣酸轆修篁壓重綠玉折老樹擎多蒼蓋側遙憐
大地瑩無塵頰厭行人踣成跡鴉鵲空飛竟何之樵蘇易縮
將奚適偶緣物色感人事思濟飢寒媿無策愁吟兀坐肩聳
山兒女顧笑髯森戟凍口因之亦解頤氣數所至甯相厄乾
坤有情均化育世態無端異驪厖能於此際作嘉祥絕勝方

滇詩拾遺

卷一

蘭止卷

一

又川文。一。二。二

春傷動植想是吾皇廣仁惠溥令萬有蒙膏澤一寒共許民
無災三白咸誇歲宜麥童稚歡譁塑獅虎父老喜謂祛蝨暨
睽茲盛美頌其宜詎可凭闌空默默騎驢標韻良亦苦煮茶
清高未爲得何如倒囊呼麴生少藉奇勳助詩力冥搜細鍊
久無能爲有名言在疇昔清潁開端禁頗嚴聚星白戰誰能
敵須臾興至輒揮酒醉墨淋漓強鉤畫萬一他年遇賞音見
景時憶狂吟客

神似東坡

山中野人歌

山中老人宅一區蓬門甕牖繩爲樞震風凌雨漏且淫絃歌
不輟常快愉問之何以然碧山不負余余亦無所累奔走將

何如君不見孔明抱膝南陽廬起爲炎精續正統綠野不復
操犁鉏星墮中軍將士泣但見荒祠古柏說悲鳥又不見謝
安高卧東山嵎起爲蒼生作霖雨青松落色雲霞孤回首邱
山奔華屋但見西州落日荒寒蕪生爲貴公死廟食千古萬
古流芳譽我才樗散不堪用豈爲富貴相纏拘窮通得喪各
有命慚愧羈祿吹齊竿所幸生逢太平世量才揣分安其愚
但願朝廷賢佐有皋契聖明治道如唐虞沛然德澤溢四海
生民皞皞蒙沾濡我輩草莽微臣在山野耕田鑿井謁康衢
一邱一壑有真趣千駟萬鐘非所圖不必鳴鐘食五鼎不必
劍履丹墀趁清風明月不我弃野猿山鳥頻相呼借問松花

滇詩拾遺 卷一 蘭芷菴

三
川古

釀酒幾時熟操瓢挈榼歸來乎 縱橫跌宕却毫不費力可想見其爲人

咏漁樵耕牧四首

風波漁叟

一棹入蒼烟江風晚更顛搖搖舡似葉洶洶浪粘天蛟虺能
爲患魚鰕不值錢羨人平地上燕坐飽肥鮮

雪谷樵人

伐木下山林歸來雪已深短蓑風更舞赤足冷難禁重負那
能釋迷途不易尋重裊擁爐者甯識此時心

霜隴耕夫

歲晚休農事渠渠未肯閒履霜駢健犢破曉闢荒山不避胼

賦苦深知稼穡艱膏粱人幾許日出揜重關

雨村牧豎

吹笛涼風起回頭驟雨來牛羊忽先後歧徑轉催鬼蓑笠寒殊甚鞭繩力已摧爭知堂上客食肉對金甌

又漁樵耕牧四首

平生舟作屋安分水雲鄉兒女甘蓑笠魚蝦抵稻梁東風桃浪暖西日柳陰涼濁酒蘆花裡酣歌興味長

山中窮活計斤斧代耕鋤魚米柴堪換兒童口自糊野花簪
窮笠村酒滿壺顛醉飽黃昏後然松擁地爐

荷耒趨南畝胼胝未足辭已安溫飽計不起利名思永忝登

滇詩拾遺

卷一 蘭芷卷

四

川文

場後雞豚作社時酌醪終日醉世樂罕如斯

蓑笠隨羔犢忙閑百不憂編籠畜山鳥橫笛和村謳綠野嬉
遊徧黃昏飽睡休怒怒車馬客未必勝騎牛

右詩八首苦樂不同有志於富貴者必笑其苦忘情於勢利者必信其樂大抵風霜雨雪之時不多值身固有苦而心不常憂至如樂其所樂雖窮奢極欲者有不能及也貧賤能久富貴不常尋覽者宜致思之

止菴自記

新春

梅子褪桔花柳條生嫩芽新鶯初出谷舊燕復來家閒慣百體懶老催雙鬢華春風莫辜負詩酒作生涯

感興

擾擾紅塵客匆匆到白頭貧因身口累富爲子孫謀爾縷拘
難脫蝸涎盡自休春風花下目幾見酒盈甌

六言四景

花開沽酒留客睡起卷簾看山閒院小窗人靜數聲啼鳥綿
蠻

柏子香銷畫永黃梅雨過風清綠陰自無炎暑碧窗靜有棋
聲

露下鶴翻松葉窗開風裊爐烟清宵明月如許鐵笛幽人未
眠

湏詩拾遺

卷一 蘭止菴

五

川六

山窗聽雪敲枕石鼎敲冰煮茶誰共此時清興老松疎竹梅
花

雪夜

雪夜詩成喜不勝忙呼筆硯快吹燈銀瓶索盡梅花水却被
東風凍作冰

評詩有感

閒閣吟毫懶措詞梅花休怪久無詩春風滿眼新桃李不是
團香弄玉時

眼前誰不是詩人魚目紛紛敢混珍獨坐空山成皓首筆端
枯槁硯生塵

八句詩中一字差教人指點道瘡疤不如袖却扶犁手緘口
凭闌看落花

詩好全憑結句高童狂軟語漫呶呶海天波浪翻銀屋一縷

焉能掣巨鰲

好作軟語者
可以警悟

人情僅取一時容千載高明笑不公李杜九原那可作空將

夜雨滴寒蛩

不會吟詩莫采詩采詩加倍要尋思沈吟細嚼工夫到多似

當年下筆時

六詩皆信筆寫出者灑落處自見本色而示人學詩門徑亦畧可睹矣

成化丙戌年七十歲近體詩十首

人言七十是稀年我幸能逢亦偶然坐卧儘能消白日行休

滇詩拾遺

卷一 蘭芷卷

六

XI

不必問青天身閑頗類無花樹心死猶如脫殼蟬遇着春風

樽有酒醉袍還解舞翩翻

按丙戌爲成化二年公年七十則公之生在洪武三十年也

濟時心在惜無才七十年程已到來對酒縱成終日醉感時

良爲昔人哀食牛何許干秦穆戲絲無緣學老萊管領春風

從此始梅花再見幾回開

不煉金丹不坐禪不親燈火究殘編因知有作皆虛幻始信

無爲卽聖賢愛景每於花下醉避寒常是日高眠一閒如此

誰班輩已過春風七十年

無想無爲老矣乎年高七十謾支吾閑看好景山千疊不負

春風酒一壺黃土堆誰詢事業青雲路枉着工夫流光似此

能多少笑彼歛歔惜壯圖

眼空殊未見英雄回首俄成七十翁往事悲驩談笑裡舊交

迎送夢魂中楚邱何苦誇能辯亞父無端望立功此去百年

都只恁不如隨分賞春風首句出自他人則為狂語出自先生正可想其抱負

自喜癡年到七旬不曾富貴不曾貧閒消白晝書千卷坐對

青山酒一尊無想情懷終日笑有花庭院四時春客來問着

平生學只此傳家示子孫五六句是周茂叔邵康節氣象

東風觸樹舞梅鈿禽語喧晴起晏眠閉戶無人知獨樂持觴

有客賀稀年丹山翠水堪圖畫竹簡雲筒當管絃儘此逍遙

誠足矣彼哉說甚大羅仙通志謂元壺集阿好二氏疑為偽作讀此詩及下首丹鼎句足見志

謬言不

滇詩拾遺 卷一 蘭芷卷

七

七十衰翁兩鬢絲閒遊見景卽成詩幸存酌酒看花福不在

腰鎌采蕨時丹鼎事殊非所願青雲路好竟何之百年行樂

無多日到此英雄可三思

自幸生來不識愁年高七十更宜休撇天事業徒喧耳蓋世

功名幾到頭百巧總輸閒處坐一懽惟有醉時謳紛紛未了

塵緣者白首邯鄲夢裡遊

七十康強古所稀吾生幸與願無違誠能白首甘蔬食不許

紅塵染布衣池上月明詩伴坐花前酒醉客扶歸區區富貴

思兼此未識乾坤造化機十詩不經意之作年已七十無一歎老之語胸懷浩蕩於此可見

樂志賦

自注縵山七十三翁和光道人書於止菴之吟室

惟人心之所之兮宜取適於和甯苟勞勞而失養兮若有
負於平生蓋所見之不同兮故殊情而異行或沈溺於貨
利兮或老死於功名試偃指乎斯流兮恒百顛而一成慨
黃農之既遠兮懷聖哲而莫觀監三代以來兮嗟無窮之
大謬念彼擾擾於當世兮幾垂名於身後求幸得而患遽
及兮咸自取而誰咎矧世道之多翻覆兮孰能洞見乎幾
微和以璞而足則兮鞅用法而身危毅旣任而卒奔兮斯
免逐而終夷增竭智而遭間兮信假王而見疑食其烹於
喜功兮韓生爛於搖舌詎進速而天於憂兮光盛極而抵

滇詩拾遺

卷一 蘭止菴

八

×8

於滅雄枉道於新室兮通降志於隋闕雖所趣之異途兮
竟俱覆於危轍惟達人之至明兮善藏器以俟時或耕釣
以自給兮曷嘗銜才而飾辭必世主之見求兮方出就而
有爲匪獨言聽而計行兮道終合而弗離凡君子之進退
兮盍於此而致思余覩是而省躬兮胡爲乎而自囚揆智
於胷中兮多未逮於前修知富貴之可欲兮奈趨者之若
流與其動以取辱兮孰若靜而無求瞻南山之巖巖兮有
流水之在下萋草萊以樹圃兮葺蓬茅而爲宇歛踪跡以
息游兮甘淡泊而深處絕媚寵之采言兮謝梯雲之狂侶
從所好而忘憂兮披簡編以自娛撫流光以吟嘯兮輟講

習而耕鋤景遺安之德公兮慕無名之堯夫識行休之有
時兮舍義合而奚圖此賦見先生之隱非巢許之逃世乃伊呂之待時也得此以著其志豈非
幸大

右賦一首本不合錄於此第止菴著述久已散佚今五
百餘年而此賦與詩同時爲予所得愛之重之附而刊
之免其復失而已至元壺集雜二氏而爲言故通志疑
有僞託然得之實難并附刊於後聊存舊籍云爾陳榮

昌識

平壺集

天地萬物有自然之理三教經典百家載籍皆聖賢垂憲之

渢詩拾遺

卷一 蘭止菴

九

川文〇〇八

言世間萬事善惡皆由人心之所生靜中觀之了了在目不
待求之於外也因作小詩百章章四句句六言續以四言二
句以證其義名之曰立壺詩倘望巨眼相與可否云

立壺甚是立壺裝盛墨水瓠瓢用着將些點化隨緣者也之
乎 知彼之白守我之黑

月本無心照水水來月便留情不擇清濁大小一般與箇光
明 至公無私常應常靜

日月以明爲本光臨四大神洲倘若嫌明好闇任從閉戶蒙
頭 明德不昧從否在人

忠信有如毒藥爲人愈疾招嫌酒肉過多成病到頭不捨肥

甜 惡直好邪滅身不悟

正直多嫌少愛善柔無咎無譽到底同歸一朽任君所好何如
阿世取榮終亦不免

奸佞廣延時譽剛明未愜輿情俯仰誠無愧作任渠薄俗譏評
守正不阿至死不變

出語隨機勸世依違用舍從他雖不是關自己昧天之理如何
以明破闇不負所有

般若和而善應波羅清淨無爲密常久如此菩提道德同歸
心經六字卽五千言

和卽宛親平等清而色相俱無守得這些常久修行不用工
演詩拾遺 卷一 蘭止菴

夫 六萬法華無非道德

發而中節和也和不流是清悠久至誠不息孔門妙法丹經
禪中道體一本中庸

見得明明了了從他是是非非料應瞿曇孔老別無秘密玄機
信手拈來頭頭是道

清淨寂然不動應卽感而遂通混合波羅般若一般教化無窮
教立三門體歸於一

四言性理統一五經道德兼該總得聖人模樣端嚴太上如來
不生異見卽證上乘

佛老原無不是儒生何苦非之總爲末流多弊因隨反累其

師 學之未至有損無益

唐宋以來儒士紛紛謗佛譏仙何不回頭自省聖道幾人能
全 昏於責已明於責人

孔聖處窮明道顏厥厭世登仙了得非魔非患浩然天地齊
年 幻境浮漚至道無極

箴瓢不改其樂卿相未嘗動心道妙分明在此何須隱迹山
林 聖人之徒道一而已

歸空九探先見涅槃六訣前知了知了見楹易道遙不至宜
迷 原始反終一歸自然

或咲老君頭白或言周孔不爲或責偷生逆理都緣未達立
滇詩拾遺 卷一 蘭芷卷

機 士志於道非懼老死

未死須先學死在生且養其生養生不過謹節學死在於無
爭 本來面目無滅無生

謹節自然清淨尤淨卽致中和持此守心應物立關不在其
他 寡慾忍辱亦復如是

懲忿以和爲本窒慾清在其中只此損之又損水火旣濟成
功 斷滅貪願受持慈儉

慾者欲快於己忿者欲勝於人君子誠能寡慾自然與道合
眞 不怯不求何用不滅

好勝寬家切齒貪多賊盜生心兩下念頭消滅永無煩惱相

侵 心不妄動百邪不干

皎皎一輪紅日光明萬古乾坤遮莫層雲掩蔽不會差了晨昏 本體剛明不愁魔障

柔暗塵來易着剛明物至難親守得自家中正任他生喜生嗔 力學爲己何待於人

萬類盈虛有數天地何曾用心經言上善若水物來一任浮沉 一切有心皆爲着象

君子樂人爲善惟憂好事難成儘他忠言勸勵相携大道同行 成人之美同道相憂

君子功成道顯小人無地容身以此生心嫉妬願他敗壞無存 道不同者不相爲謀

君子孤松獨立小人藤葛相扶若泥助之多寡如何辨得賢愚 調高和寡豈云失道

君子提携善類小人扶助奸諛此處不加深察哀哉肉眼凡夫 方以類助物以羣分

小徑荒蕪險窄正途坦易寬平借問私潛恐懼何如自在閒行 君子之道簡易而已

無患無憂快樂懷疑罪何安善惡昭然禍福神明自己心閒 造化在己天何與焉

不憂不惑不懼無着無礙無爭何故諄諄說此只因見得分

明 道高德厚無過於此

黑夜燃燈作晝寒冬向火如春奪盡乾坤造化後天不老何人 人巧勝天終歸敗壞

知巧明中幹運陰陽闔裏乘除枉把心腸使碎不知天命何如 人欲無厭天數有定

去歲雨多傷麥米增高價殺貧今年還想這勾不知天可從人 人心如此天理未然

結識啼鶯語燕栽培萬紫千紅儘把東風占了不堪又起西風 人心不足天運循環

多壽多男多富宜商宜賈宜農憶着玉堂金馬閒愁鎖定眉

峯 所欲太奢常若不足

濫用非其所有到頭着甚填還何似耕而後食形勞博換心閒 約而爲泰難乎有恒

一切便宜所好着迷誰肯回頭直至遭他害了那時身死心休 貪着之心不顧生死

百家妙處一理窮通有命存焉守定這般常業毋因異物而遷 博謀廣成不如守一

蠅以貪鬻被溺蟹因執着遭擒何故人靈萬物甘與此輩同心 不貪不着以養道心

天地緣何不死無根無種無胎人要學他長在莫教父母生

來 無所從來亦無所去

萬物生生化化四時往往來來知得這些消息不須巧計安排
進退得失理之自然

人是一般靈物宜乎自寶其靈若被物來牽去豈非虛得名
馳心戀物喪其本真

內靜何妨外動身閒不及心閒往往勞神逐物不曾參透玄
關 耕鑿之勞不害於道

靜卽了無心事一動惹起羣魔試數吉凶悔吝善字少而惡
多 動不如靜君子慎之

靜坐着人之動備知誰是誰非若使自家動了他人看我高
澠詩拾遺

卷一 蘭芷卷

十四

川一

低 靜以制動機無先發

清則終無染着濁而到處留痕若要是非俱泯遠離色相之
門 絕其根塵所以無累

熟讀五經四書不曾行得纖悉乃是聖門逆子濫稱博學明
儒 儒言墨行不如無學

力學無過苟祿著書志在求名學到班揚賈馬難與論道談
經 功名利祿非儒者志

孔明志在存漢子房心不忘韓道德伊呂未至功業夷齊所
難 立志有定盛德成功

曹參未聞博學魏相不專一經守職息兵高見能安四海生

靈 質勝於文可安天下

山 正氣所鍾不獨儒者

心 功名富貴總非道德

文 大道本乎仁義要人能守能行順則禹湯文武逆之幽厲桓

提 佛典戒貪離慾梁皇口是心非愛着眼前侯景不知壞了苦

老聃慈儉爲寶徽宗花石爲珍念念全離道德焉能保國安

演詩拾遺

卷一 蘭芷卷

五

川州

民 信道不篤罪卽隨之

平 佛戒貪嗔殺害道崇慈儉不爭能守卽同仁義萬年四海昇

禮佛防閑動作看經占却雙睛此是祖師總鎖拘定野性眾

依 生 使能敬信終慎外思 齋戒洗心防患誦經忍性息機不識就中關目徒勞頂禮皈

禮佛勞傷五體看經喊破咽喉料得泥神紙佛誰來替你分

憂 卽心是佛何必外求 齋東禮拜求福僧道看經爲錢燒點眾生骨體如何感格神

天 貪慾無道試看墮落

信口談空說妙欺心假道求財不會降龍伏虎教人怎結靈胎
外道惑人愚蒙受侮

一切世間之有都稱假合虛花何似空明獨自只要錢財養家
假道談空言不顧行

修行不顧雙親養生不膳一錢享用現成溫飽耕田織布何人
無功衣食離道遠矣

已欲寬餘享用他人痛割將來若更無功及物難逃六道輪迴
損人益己豈必能安

畫閣錦堂高宴家有美釀時新總是生靈骨髓不當請我聞
滇詩拾遺 卷一 蘭止卷

人 以道殉身不在哺啜

見義不爲無勇可言不言失人請看千經萬典何曾索簡無文
作事見心因言顯道

烏爲多鳴被黜鴈因不語遭烹世事如此多矣不干愚魯聰明
禍福之來本乎天命

捉縛惡虎狴龍拳拳守護中宮不喪自家真寶方施濟世神通
必先治己而後治人

自己家中有寶不將救濟貧窮縱得長生在世恰似瘡痍盲
聾 無益於時偷安可愧

自己悟得真立形神保守堅全此外無功濟世如何做得神

仙 性命既修功行須至

易贊吉人辭寡經言真者爲狂借問千書萬典果從誰口一揚 不得已言非好辨也

終日坐如泥塑自然清淨無爲見客一團和氣真常善應立機 動靜之妙與道合真

孟子不言行事聖人取瑟而歌坦蕩自然無隱就中機密如何 繫辭機密未必聖言

三十六章大洞黃庭向上幽微誰向眼中着屑中場錯用心機 衛琪注解畫蛇添足

五千四百華藏三十六部尊經多少些兒世法爲愚大地眾生 演詩拾遺 卷一 蘭止庵

生 世法紛紛疵污經典

老子不先天下聖人似不能言何似末流輕妄自稱二界獨尊 妄自尊大悖莫甚焉

悟真本來參同隱言多了雌雄剛被愚夫執着流傳九鼎三宰 丹經隱語愚惑之

無盡強辭護法紫陽巧譬談玄若要參同性理惟有中和自然 執一不通卽是偏見

了除一切虛妄是名解脫真詮但被絲毫挽住千生萬劫牽纏 法華半偈打破虛空

萬因一以生異一得萬而成真參透自然之理世間誰是寃

親 寃親平等民吾同胞

作用興雷致雨偶然之會而然若認神通在已終隨外道之牽 執着之者不明道德

刀以剛利能斷圭言秉正存中自古防奸鎮國文武兼用成功 奮迅精神保全性命

仁水常防恚欲義鋤日刻貪芽自可抽胎換骨不須陰粉陽砂 自己靈丹不勞採取

夜夜牽車繳水朝朝運火燒田種得禾苗結實快活受用餘年 一升一降總是工夫

保得元陽正氣毋容一點陰邪但把精神打起不須搬運河濱詩拾遺

卷一 蘭芷菴

式

川川一

車 君子道長小人道消

色引眼觀心動聲牽耳聽神移莫忘清歌妙舞悞了牛兒拽犁 亡目喪耳內境不出

有守方能實腹無思乃是虛心總爲戶庭不出百魔無計相侵 抱一守中外境不入

道人只恁和光常教虎執龍藏一切念頭不起都無地獄大堂 本來無物何妬何爭

靈泉灌入金鼎神火常埋玉爐分付主人看守惺惺莫欠工夫 毫釐有差前功盡喪

脉脉泉凝土金星星火化寒灰更沒些兒事幹小窗向日觀

梅 行滿功圓道逕自在

年少孜孜格物老來默坐如癡不是當時有作焉能證此無
爲 無爲之妙基於有爲

修行心似泥佛真如不動莊嚴禮拜燒香只恁挑磚擲瓦何
嫌 到此一步總是眞修

靜裏工夫儘有閒中意味深長着甚消磨日月不過幾句文
章 心得之餘寄諸辭翰

富享坦然風味貧宜自樂清高誰道孫康映雪強如黨進羊
羔 素位而行何必勉強

幾句常言淡語要人着意研窮能知能守能斷生生妙在其
中 惟其達德所以成功

月到花前弄影風來水面生絃相有諸般變現一無何所云
云 常應常靜常清淨矣

詩六言百章青松白石間語雲朋霞友之芹曝也膏粱紈綺
之士固無取焉欲味此味須是有工夫始得要知何許是有

工夫處遙天烏倦雲歸後大地風清月白時

賈惟孝

字若曾號東晦嵩明人性孝友博學能文不樂仕
進與蘭止菴同里與楊升菴同時升庵贈東晦詩

與止菴同稱楊林兩隱君予得東晦詩數十首選錄十

九首其滇南詩畧所載者今所得皆有焉不復錄也詩

畧稱東晦詩清雋似過止菴以予觀詩畧所錄止菴四

時詞之工麗余所錄止菴送春曲山中老人歌雪詩七

古皆極其自然飄飄有仙氣豈東晦所能過者大抵東

晦生止菴後慕止菴之爲人謂其能踵武先正則可耳

滇詩拾遺 卷一 蘭止菴

九

八八八

歸山操二章

我歸兮何山金馬邏迤兮瑤峯巘峴哀吾生之不辰兮抱幽
憂而長歎欲起予之疴痼兮思求製煉於大丹計離羣索居
以輕世兮慮弱稚之痼瘵吾固知生龜之不可脫筒兮而又
思壯士遇螫而自剋羌決意而遠逝兮矢旣發而不還嗚呼
一歌兮雲岫寒山石裂兮激我肝此見東晦初亦飢驅至是歸計乃決中寫反覆籌思
之狀筆妙如環

我歸兮大火西流瑤海碧波兮梧葉秋羈繫樊籠兮如桁楊
之困囚誓脫再三兮夙願酬其生其死兮固難預謀扶輿清
淑幽軒寄塵土無干得真意萬籟聲沈午夜清劍光直射三
瀟詩拾遺 卷一 賈東晦

天際煉師風采非凡倫常時嚙嗽元和津凝神靜慮守予默
錦章滿篋皆儒紳我今續貂愧才拙吟就斜陽半明滅道合
無爲在自然還須重問長生訣此則歸計得遂并想歸後之事二首次第秩然可爲蓮章之法詩旨與淵明歸去來辭同而調則變矣

感興

新涼入野墟短檠烟菊屋蟋蟀階下鳴意若有所觸吁嗟此
身微胡爲不自足皓首窮一經大半爲名祿而我獨不然衰
遲老空谷時須一尊酒高歌白雲曲逍遙天地間樗散無拘
束

送張西竹適楚

武夷山峴奇瀟湘水渺瀟西竹別我去廣漢擧注離祖宴未
云洽鳴雞促載馳嘉會常不足何況當別離先生天下士羣
落見襟期文章貌晉魏墨妙超維義遨游塵界中偶與兒輩
嬉倏然蒼霄鶴樊籠不能羈我欲爲君發長笑海山箕踞談
天機又欲抱琴爲君鼓江梅新月牽愁思留君不可住送君
惜解攜陽關三疊一杯酒欲別不別雲淒迷征車早晚發貴
竹行邊試聽山鳥啼

書洪秀嵩春輝遙祝卷

瑤峯之山凌翠空嵯峨雄峙海之東海山靈秀毓異氣英雄
往往生其中敬齋先生林下叟行誼文章人稱首外翰華陽

滇詩拾遺

卷一

賈東海

三

又川生

天一涯襄陽大尹望雲壽天上歸來一紀周先生烏紗籠白
頭青陽初動降申甫海屋合添三百籌玳筵珠履合羣仙金
母蟠桃色更妍李生時獻南飛曲階西元鶴舞翩躚碧藕啖
來如嚼雪紫霞杯滿葡萄淘弄月吹簫遠近聞天倫樂事真
奇絕君不見息機老子坐崆峒浮生塵累不黜聰又不見世
人朝市爭名利紛紛所向皆樊籠惟翁脫屣人間事醒來醉
後忘窮通丹顏矍鑠當八袞眼見四朝全盛世日居月諸樂
陶陶起舞漫作華陀戲南峰崢嶸干仅高古松盤鬱干青霄
金風玉露幾千載花柳敢與爭春嬌遙祝之圖詩琳琅慶翁
之壽壽無疆願言歲歲皆此日玉樓花撲金樽香

送几山金先生還大理

君不見陶令爲米折腰孤松三徑揚高標又不見解組歸
田楊萬里一品朝衣棄如隄史稱賢哉二大夫今世何人踵
芳趾几山先生能繼之蘇湖事業輕塵奕蒼洱葦鱸味自好
興來命駕飄然歸曉發龍橋外香風吹酒卮攬衣執手語衷
曲別後所見皆新知浮生有聚亦有散目斷東西天一涯十
九峯高在何處送君行矣長相思

勸呂天錫櫬歸

桂林來短櫬烟冷雨瀟瀟白骨不盈把黃金空束腰達人意
猶惻遠道魂誰招况抱鄧攸恨家聲從此銷沈痛

滇詩拾遺

卷一

賈東晦

三

川810111

鳳溪晚歸

風高餘暑退獨策策興悠然野色延幽步秋聲入暮年日斜花
影亂水落樹根懸回首故人遠城笳吹夕煙秀鍊

過尋甸宿湘陽古村

停舟閒眺望清興逐心生海碧白鷗淨山青紅葉明晚春雲
碓急夜釣月舡輕此地可逃隱無人知姓名

讀岳王傳

寢閣陳謨已萬言志圖恢復舊中原長驅鐵騎頻摧虜未到
黃龍竟返轍奸相和戎潛有約孤臣死獄坐無援于今廟食
精忠見千載湖波爲洗冤

書周白齊方丈

昔年借榻天香閣今日停舟何有菴詩寫錦箋追舊約茶烹
石鼎縱清談未幾韓子留衣別聊效東坡解帶參繞屋峰巒
清似洗時常飛翠滿琅函

六言絕句

山徑東彎西屈前溪柳綠桃紅不爲尋芳問酒杖藜隨分春
風

新春

卧病多時未出郊自從長至過元宵不知楊柳將春色綠到

河灣第幾橋妙造自然

滇詩拾遺卷一 賈東晦

早魃

旱魃無端欲召灾水田高下盡黃埃道人鞭起龍行雨多少
蒼生屬望來

過詩人孟龍巖佳城

松風落日水聲哀遶墓沈吟未忍回玉樹土中埋不得春風
吹作野花開

自題扁舟小影

野渡孤篷去問津葦沙鷗鷺日相親乾坤還我滄洲外江月

山花別有春幽懷曠遠

題畫一首

龍

劉簾誰寫葛陂龍頭角崢嶸氣勢雄莫把雙睛輕點染恐隨
飛電入長空

虎

金睛閃電錦毛斑一嘯腥風卷地寒寫人新圖形更儻下車
馮婦亦驚看

巫山神女

仙裙縹緲翠雲鬟十二峯前窈窕閑瓊閣自無塵土夢不知

何事到人間自是高人口吻

楊一清安甯州人官至大學士諡文襄明史有傳滇南明詩畧及續詩畧共刻其詩一百七十八首茲所錄

滇詩拾遺卷一 賈東晦撰

三四川文士

過三百首則從石淙詩鈔中選而刊之者也按石淙詩鈔為嘉慶年間五華書院刻本經兵燹燬矣予友本和李文治在京師書坊購得之其詩有公友李西涯及公門人李夢陽康海唐鵬評語今並錄之以見師友淵源云

和楊鏡川學士先生遊南園詩韻

官屈僅旋馬致客真無謀諸公不我棄枉駕同郊遊韓家好

庭宇石徑通林坵輕風散炎海白露淒以秋泉脈灌畦澗槐

陰當屋稠地僻境逾靜身閒心更幽寒芳步南渚觀稼來東

疇高情不在酒而沉饌與羞詞林有鉅筆古調難為酬豈徒

慰孤陋亦足消煩憂顰眉擬相效出吻還自籌惟餘江山興

歲歲無窮休鏡川云佳作佳作當與西涯爭衡夢陽曰此篇果勝他作鏡川知詩矣

寅庵爲蕭憲長作

臣人代天工同寅靡崇庫矧茲蒞邦禁民命實繫之怠心一
萌葉輕重或倒施淫刑召災沴不獨爾職墮賢哉蕭提刑一
敬每自持誰云法可撓五過將汝疵誰云民可虐帝鑑恆在
茲忍將一寸心負彼三尺規虞書著咎災國法有矜疑求生
苟弗得服念踰旬時東海民無冤南山判不移闕歲寢以多
聲問如飈馳公心益惕若欲然恐弗支大書揭華扁相對如
巖師出門屢却顧退食方凝思內馬勅爾心外則慎爾儀萬
念協貞吉豈但一職宜有欲稽公行請誦寅庵詩

五平五仄體

滇詩拾遺

卷一

揚文展

五

八〇文〇一八二

春雲驕難同朔雪苦不足寒聲驚人眠曉色奪我目龍鸞交
橫飛玉石兩滅沒天開先春花地秉不夜燭沙鷗湯燭翎海
鰐陸死骨輕塵揚遊絲暗響遞折竹空林炊煙遲近市酒券
促平增江山清厚滿澗壑欲荒汙蒙包含騰蜃賴斥逐天心
昭來牟帝命走嶽瀆歡呼馳黃童瑞靄動白屋行將登絃歌
豈止塞口腹而予章縫儒濫擁繡豸服觀風聽民譏稽首効
華祝休徵年年加聖主萬萬福

送胡德延姊丈還京口

天順歲甲申與君同筆硯時我尙垂髫君齒當弱冠君伯貳
守公少起滇南薦顧我先府君曰此同鄉彥而我遂通家心

交豈徒面因之締姻好我門莫君鴈我童與計偕名對金鑾殿石渠翻秘書瓊林醉春晏昊天弗我弔家門遘凶變府君捐館舍遺孤眇於綫扶柩返江鄉客葬非所願遇君聞公計方寸各糾亂問我南歸計迷途空汗漫滇南遠莫致巴陵誰眷戀咫尺鐵甕城長江亘天塹古稱朱方地下葬豈不善再拜聽其言哀苦和淚噫府君有遺志重此骨肉念佳城既協吉買屋如成算公柩亦東還居止同里閤維兩太夫人高堂溥家範公女復妻子親上親重見兔絲女蘿枝附引固而蔓荏苒三十年流光迅於電玉樹紛階除究竟同一幹倚君今逸民才美不自衒甘與木石居避名如避箭君舍四壁立懸

須詩拾遺

卷一

楊文襄

天

八八〇一八上

磬老無怨君身但韋布不受軒冕絆索居本無競昧者猶謗訕爲別動經年京塵羈薄宦悠然忽我思棹鼓南風便世途多軼軻頭蹟隨款段翻成樂正愁數月不踰限吉占果勿藥懷歸速張翰孤尊未傾顛雙袂倏已判茫茫天地閒浮生多聚散恨不逐君還水石同伴渙江東無限奇願使君獨擅嗟嗟先府君高山軼雲漢我公亦奇特軒然聳魁岸老成雖淪落典刑有垂憲紛紛夸毗子葩葉逞才辨所以宣尼聖寧思古狂狷贈行述疇昔亦足表文獻去住本何常頰仰成願盼小子須識之勿使供一粲

夢陽曰不可無之作

止酒和章甚多願其辭旨不皆同雖契愛者或不以僕爲然僕竊異之比得高作極感成人之美捧誦自慰初志益堅奉謝一首幸終教之

止酒懼弗勇猶賴人贊止交遊無限情托之詩句裏言顧人殊惡飲纔數子餘或病吾止恐失麴生喜徘徊昧所適詩訟囂然起最後得公詩深契周誥理公本獨醒人度物善推已把翫不能釋此志今定矣有如執熱餘而濯清江浹願恆服公戒慈酒如慈祀

再疊止酒韻答馬宗勉先生

比辱和章莊誦遺體之戒追憶先太安人遺訓惻然

滇詩拾遺

卷一 楊文襄

三七

川文

感之媿汗交集非至愛不及此用韻自訟錄以拜德陶侃初嗜飲以母戒而止飲不踰常限事著遺編裏事天如事親顧養崇伯子憶侍先安人過飲輒失喜斯訓猶在耳音容邈難起昔非養志賢今失敬身理恨無伯俞林引咎祈撻已及時不自懲後悔無及矣酒星天有象酒泉地有涖矢心天地間焚詩薦時祀

送郭于蕃之英山

宜尼嘆剛者謂見不可得世遺俗益類彘風轉充斥趨趨昧所如偃僂成局踣嗟嗟慮失徒名教奚暇責君懷誠磊磊觸之動激烈曾中百千卷瀾倒無窮極平生凌雲氣丹崖迴千

尺闕步信周行俛仰無欵側臨民甫歲期政聲已輝赫清明
照幽隱嚴霜剪荆棘闔境稱神明山移判不易肯貪五斗粟
而受人挫抑靡然風塵中高標挺孤特吾聞先民戒吏太剛
則折矯枉固足多過正翻可惜君看夸毗子筆豆不奄邑特
剛顧成戾與彼同一格君年倏已彊世事飽經涉而況先府
君令儀固不忒門牆夙通家敢視如秦越我非教君諂亦豈
欲君默願持忠恕心應物推矩絜願爲循良吏惻癩念淒惻
勿亢以近名勿訐以爲直謙勤更果斷是乃剛之德君今英
山行我亦金陵客公家有程期一燈話離別沉沉春酌夜從
容露肝膈壯哉扶搖圖高舉振六翮此意君自知多言亦奚
益

滇詩拾遺

卷一 楊文襄

天

××××××××

甯惟臣話舊有作

京華抗師席英俊紛追隨於時雲路中後先爭奮飛文章華
館閣論諫光璫闡聯班布臺省各各能自持在再三十年大
半金與緝建立有大小一節無瑕疵得喪不皆齊貴此名譽
垂君居諸子中灑然絕塵姿敬皇樂從諫封事多匡時曾毀
延齡麻不受若訥喘東藩具瞻地早被朝堂推霜蹄忽以蹶
三年滯離司舊物始光復新問隨颺馳我豈河汾傳敢稱房
魏師姓名幸有托聊以慰衰遲一燈話曠昔離緒千縷絲眷
言平生交對酒安可辭出門冰雪厲萬物斂華滋灰葭動律

管陽回無衍期晚節益自珍持滿須惕而皜皜白苧裳勿使
縑塵縑詩成寄同志庶以存箴規

夢陽曰唐句

登舟三首

榮昌按此乃公正德戊辰四月被逮後之作

南冠隨駕使舍陸還登舟長河下通海日夕無停流北望帝
都邇使者心休休顧我獨悽惻圖扉念幽囚此身懼不免而
暇爲官謀平生不灑淚那更攢眉頭使者勸予酒病飲不滿
甌倚篷聊復歌庶以寫我憂

少年清忠願垂老盟肺肝悠悠三十載行路誰知難奪我鳳
凰池置之戎馬間仗鉞走強虜龍沙浩漫漫日月豈不光江
海豈不寬稅駕行有期俛仰復何言

滇詩拾遺

卷一 楊文襄

元

XO. 101. 11

腐儒愧遭逢兩年三命新耿耿方寸心誓委七尺身東巡起
彫瘵西征障風塵奮劔當城狐遑恤流俗噴營營彼何爲巧
言方亂真不疑本無兄參乎非知人吠聲亦常態安用此云
云天定會須勝君王自明仁

畫龍

幽泉出石窟下注成洪河老松傍陰崖屈鐵迴枝柯神龍蟠
其間變化難測摩日夕雲從之油然翳山阿吹嘘石爲走噴
吐陸騰波蜚廉不敢噴豐隆聽撝訶如聞歲大旱四野無青
禾胡不早爲霖遐邇沾滂沱焦枯頃刻蘇呻吟轉謳歌不然
恣乖懶雖靈安足多我語龍不問奈此蒼生何

于瑩中奉使南畿因得便道歸省爲賦古詩三章話別

錄一
首

太上貴立德次乃功與言立德乃其本譬如木有根本根苟
弗植枝葉何暇論吾鄉晚得子寶之如璵璠所寶在行誼不
在葩藻繁青雲始發軔素心願無諉緇涅不再白圭玷難復
完吾人希賢志何止韓范間莫學夸毗子浮詞飾輪轅休哉
慎所適勿憂行路難

約齋爲周都諫子庚賦

茫茫太極初眾理同一原卷之不盈掬散滿天地間吾人極
功用造物相周旋萬殊自一本執要乃馭煩譬如木有根柯
瀟詩拾遺 卷一 楊文襄 三十 川三〇一〇七
蕪斯阜蕃如水出有源滔滔亘朝昏不然潢汙涸榮悴如掌
翻君庵故名約此意師曾顏平生慎自檢動止不踰閑博文
先有地曰唯非謾言吾將探其蹟有得斯喟然但恐上達妙
不在言語傳

易書時與中毋不敬曰禮詩義思無邪褒貶春秋旨爲學貴
知要知要乃知止胡爲章縫士未究知止理譬如不繫舟汎
汎茫無涘多言祇害道務博徒爲爾納之矩度中庶其弗畔
矣

大哉約之義惟儉乃一德以約能鮮失宣尼示民則謂寧儉
與固斯言有深惻吁嗟五陵豪服食華已極紛紛土木妖甲

第日充斥苟可快一時千金不自惜終恐伏禍機成敗纔瞬
息鬼神亦惡盈天道謙乃益所以君子心朝警夕猶惕可欲
恆取廉庶哉保終吉

夢陽曰宋大儒詩如此作

曹汝學擢南京太僕少卿贈別五首

國初重戎馬兩都各卿寺承平法易墮不獨馬政敝種額存
虛名孽產無實利年年官字印考牧勤命使鞭追窮里閭朝
補夕仍斃本緣人作奸而豈法爲厲終然無寸毛輸以達燕
薊一馬數十金民力苦難繼廟論豈不知曰此今代制不調
瑟當解告朔羊敢棄曹卿吾鄉彥夙抱憂時志澄清懾官邪
建白裨國是會將一寸丹爲此蒼生計如聞用世才事事有

滇詩拾遺

卷一 楊文襄

三

X 8 1 0 1 X 11

經濟

夢陽曰頭一篇另是一種後四首遂入佳格

南都本重地太僕亦美官公事苦不多地偏官自閒所以伴

我吟賴此環滁山巖洞有遺跡亭臺設奇觀釀泉作春酒一
飲怡心顏烟花自多趣谷鳥相與還醉翁非曠達意在山水
間吏隱有如此歧路空漫漫翻愁席未暖驛召趣征轅

吾鄉得知已客懷未索莫忽聞君欲去對酒翻成惡交游豈
不多幾人肝膽託長風暗郊藪烟花半零落千峯隨客舟欲
往不可遏官曹近家園畫繡人所樂嗟予未脫屣此興故不
薄悠悠江天雲舒卷意無著送君懷舊隱俛仰成今昨
仕宦貴還家君今衣錦行清尊洽朋歡白頭慰親情天涯一

飛鳥悵望心神驚晴雲淡初夕春潮暗江城君名爲世重君
才人所欽贈言豈終極獨坐念平生

江南數椽屋開軒當翠微把酒引山月臨池褰荷衣悠然人
境間而與塵事違一出六七載懷歸未能歸猿鶴有深怨鷗
鷺空忘機君歸語山靈幸勿嘲我爲栖栖豈所願已悟前日
非

王堯卿自終南謁余鎮江話舊有述四首

終南鬱塞我渭水清且駛美人結廬舍乃在烟霞裏乘風或
振衣枕石還洗耳一出非所安早卷聊自喜宣尼有家法可
仕仍可止閒居不無事默坐惟省已太上貴立德文藝斯未
湏詩拾遺

卷一 楊文襄

三

八二〇一〇〇

矣吾身備萬物一一窮至理不畏蹤跡深翻愁名譽起保終
慎于始垂休百千祀

昔在京華日勸我宜早休翩然辭我歸許放山陰舟我志苦
不遂忽忽經五秋去年始得謝養病臥林邱夙約耿未忘不
恤道阻修相見疑夢寐披襟話網繆烟橫芳草渡雨暗滄江
樓看君尙黑髮朝簪早已投平生濠易學消息探其幽我老
百無庸意欲知悔羞洗心聽君講庶以寡愆尤

美人江南遊及此春意回好鳥弄新聲和風自東來萬物適
所性觸目皆暢懷而況金與焦北固同崔嵬盪胸入層雲把
筆摩蒼崖君勿吹洞簫潭底魚龍猜君勿放長歌激烈山鬼

哀花柳滿前川此興良悠哉
蠶尋明道跡葆光終南隈

師道久絕響古風日沈淪
彎弓信有之何止越與秦
昌黎憂籍湜餘子安足論
況我素虛薄業荒道無聞
門牆亦多士子尤信且親
時時效忠告不避流俗
嗔羣蠹未底定亦復解吾
紛節應利金石心可質
鬼神迂戇豈足師古道
君所敦此意兩自會難
語行路人

夢陽曰情到理到景到筆到然宋格也

發固原諭軍士

奉詔發古原朔風捲征衣
山川愴離色冰霜厲餘威
軍士遮我道吞聲仍涕洟
問公胡爲來問公何遽歸
未來我士瘠旣至我馬肥
倉皇忽來去喜極翻成悲
公初受明命計將殄戎

滇詩拾遺

卷一 楊文襄

三

八川川〇一六

夷喜茲數月間戎馬不敢馳
長城未就緒套虜猶潛窺
邇聞西海戎伏莽藏禍機
公不念邊氓翩然謁帝畿
翻恐一簣功終爲九仞虧
予方處非據聞言增惕而
茲事本天意人謀安所施
平生體國心內顧已多違
不言吾亦解慚負明主知
恩綸下霄漢待我以黃扉
臣心故未棄力不能奮飛
肯以垂盡年冒昧貽評譏
有疏扣天關歸餐故山薇
世事耳不聞安能較是非
茲聞新大帥銜命來督師
作爾戰士氣恤爾寒與饑
爾往各自樹奚用懷我爲

恭和御製五言古詩韻

臣楊一清謹題六月十三日伏蒙皇上召至平臺

授五言古詩一首賜臣頓首捧歸道路歡傳緒紳
交慶咸謂百年曠典今始見之願臣庸愚何能堪此
服以終身傳爲世寶感恩莫極圖報無由臣聞虞舜
作歌皋陶載賡卷阿游歌周臣矢音陛下神聖方駕
虞帝趾美周王臣固不敢希望虞周之臣然沐浴清
化中亦不敢默以自塞謹依韻恭和一章錄上睿覽
伏惟聖明矜其愚魯恕其狂僭臣俯伏待罪無任戰
兢臣謹言

惟帝嚳南離重明照四方文謨與武烈前作後相望西陲偶
多事起臣督修攘臣志匪邊切所期民物康天威仗遐被坐
演詩拾遺 卷一 楊文襄 三 川文正〇一〇川
籌走氏羌分將老邊塞何意登廟廊召臣復黃扉期之日贊
襄奎章盛褒許爛然雲漢光君王自神聖有位咸忠良上下
交斯泰君者臣之綱臣老心未棄聖言殊孔彰欽承誓終始
百世爲傳芳

夜坐示孫生思和

少小遊庠校爛然文采呈長大益英邁下筆令人驚秋闈戰
屢北知者恆未平謁選來京師姓名動公卿文華地本峻梁
翰事亦清日直承明廬誰謂非登瀛供奉苟弗懈雲衢從此
升通家從汝祖汝父還汝兄北來會郤少暫會亦心傾公事
苦難了短燭坐長更才美時所忌名出謗乃生勿擅鸚鵡詞

勿爲蝸角爭寧將拙代巧而以晦爲明跬步防荆棘出口念
戎輿聞毀慎勿辯辯極毀翻增利害相倚伏君子戒未萌勸
哉日操修庶以全令名榮昌按公於門生改吏
多訓戒之語足徵古道

陳生應期儒而隱於商者詩有佳趣得韋秋山之傳予
久不見之一日忽自京口謁予京師留數日辭去口

占三詩爲贈用勸其成

京口舊時派易洞還秋山立言根理道不在辭藻間負笈紛
才俊先後窮追攀蘭荈兼翡翠文采成斑斑陳生性朴茂早
得窺元關引觚吐芬辭入眼如瀾翻不作雕鏤巧而逞脂媚
顏信口道情性放歌發天慳昧者不入賞作家每傳看終當
演詩拾遺 卷一 楊文襄

守弦轍勿謂知音難

子長昔好遊足跡遍四方遂以文名世橫壓班固楊陳生本
業儒胡爲隱於商周書遠服賈所志親之慶少在汴淮泗兼
涉梁宋疆大河浩湯湯嵩嶽鬱蒼蒼中歲南入楚巨舸浮沅
湘興來賦鸚鵡醉後歌岳陽豈徒吞雲夢或者隘八荒吾聞
千金子坐且戒垂堂倦倦遊思稅駕束書歸故鄉葆茲連城珍
匱韞還深藏

年來吾家居見子不可得翩然駕方舟謁我來京國老我病
且衰猶作天涯客足難任拜揖眼不辨黑白夙興暮始歸款
語夜數刻雪意忽冥濛朔風撼林樾沈沈動清酌黯黯愴離

色春來吾亦歸漫勞遠相憶

石亭爲陸質之作

石心不可轉介于保貞吉世事莽難窺君子慎恆德翻覆雨
雲態萬變忽朝夕靜固者惟石特立不肯易伊誰扁石亭因
之測深識萃梅有蕭索松篁或摧折雷風任春撞此石終不
泐持行苟如石福壽可兼得如山不騫崩如川流不竭主人
顧斯亭勉旃休自畫吾家有石淙體物良有益此意須默識
多言真大惑

南坡別墅

南坡近在城南曲南坡主人清似玉結茅作屋幾歲年有琴

澠詩拾遺

卷一 楊文襄

三六

川文〇一〇八

在牀書在屋東家桑柘西家禾蹇驢破帽時相過公租私負
兩無累俯仰乾坤樂如何十年塵土長安道欲歸不歸心燥
燥人生難得老來閒身退還應健時好鑑湖恩詔恨不早匡
山舊盟終潦倒爭似南坡歸及時綠鬢朱顏未枯槁門前載
酒紛如雲惆悵舊遊今幾存手種青松盡成蓋移來慈竹多
生孫登高眺遠恣歡譁水邊行吟松下酌多少低頭拜下風
利網名韉甘束縛白雲渺渺山蒼蒼高風不媿嚴陵鄉撫卷
披圖三歎息爲君擊節歌滄浪

涯翁曰七言古
詩此篇獨佳

題陳憲章墨梅

有客有客風神清骨爲片玉姿爲冰世間萬物瑣瑣不足數

直與梅花爲弟兄紅塵勞勞恐相失一日不見難爲情有時
摹寫向枯筆奇態頃刻烟雲生湖上春寒雪未霽山頭月落
參初橫嶽然素壁見疎影便欲起繞南枝行古云意足不在
形妙意今與形似并旁人底爲無香惜不道香多招妬客相
逢任詫素與緇會有方臬眼中識

水晶宮客

吳興山水間南州茗溪雪溪匯復流蜿蜒一瀉二百里月華
波影相沈浮中天合有光明燭下見諸山如削玉皎然蒼翠
浮空明何以狀之曰水晶水晶宮名從此始誰其標榜趙承
旨居人紛紛竟莫知對景不樂翻如痴名韉利網日馳逐却
演詩拾遺卷一 楊文襄

三七

XIIOIIX

詫夢遊徒爾爲汪君此地長爲客坐挹空寒清興發果然身
在廣寒中不似人間波與月歸來偃蹇向深山縮地有心還
未得手持圖書日把玩尙覺清寒徹毛髮火雲六月驅不開
出門紗帽沾黃埃金流石燥無處避水晶之宮安在哉東望
嵐光渺天日安得與子相徘徊嗚呼安得與子相徘徊

滄翁曰此

佳篇亦

和歐陽公禁體雪詩韻

長空緯繡觀朝萼脈脈隨風旋回薄望窮袤廣極幽潛至巧
信出天機作江山一洗塵土空使我方寸成恢廓卽防見
行且消輕體不受春陽爍閉門靜聽疑有異歷亂聲隨瓦溝

落寒光照室不成寐起坐中庭擁裘貉狡兔失穴無所歸
鷹斂翻難施攫農倉有粟床有醢醉飽歌謳躍如雀出門
賞恣所如水行孤舟陸雙屨一官坐食百無補矧敢暇逸先
民樂題詩苦無道韞績取若不待家姬淪紙窗官燭夜沈沈
翠柏蒼松雲漠漠翻思京國十年事白戰壇中曾擁燹短歌
聊爾代風謠不似尋常浪吟嘯

康海曰此六一
公敵手棋也

和蘇長公聚星堂禁體韻

風團一掬浮桐葉瓦爐活火初烹雪是時眞宰設奇觀物態
人情兩幽絕懸岩老樹僵不死生意往往存摧折江山一色
天冥冥鳥影不度人蹤滅孤舟把釣吾所愛有肘眞被微官
溟詩拾遺

卷一 楊文襄

三

XXOILL

掣急呼紅燭照金杯不覺醉顏生綺纈歐蘇白戰有嚴禁餘
子效顰徒瑣屑今我不樂眞成癡半百光陰過如瞥嗚呼世
人多附熱此興蕭蕭向誰說君看桃李門春妍謾道廣平心
似鐵

康海曰此東
坡敵手棋也

岔口遭虜變越三日過其地作詩紀之

莊浪西來岔口驛醜虜當年曾數入自從元帥傾虜巢兩歲
邊城稍寧謐春草青青塞馬肥豺狼有性難羈縻長驅直入
五百里竄伏荆榛藏禍機閏月十九晨初飯潛度重巖下平
阪路旁墜埃有若無瓜空燃烽誰付管城中兒女不得知壯
耕少牧方嬉嬉卒然至前無處避如以鷹鷂掠雞雞城東城

西數十騎毒矢射城張虐勢耕牛站馬一網空跳嘯還從舊
途去二百城中接伏兵縮手無措心神驚迫之欲出不敢出
點虜睥睨如空城莊浪得報日當午守將聞之怒於虎兩軍
並進分道追殞首捐軀那復顧龍沙漠漠風塵昏賊聞兵至
禡其魂兩酋迎戰亟授首餘孽倉皇窮力奔自知天誅不可
赦盡將虜掠歸吾軍須臾雪花大於手墮指居然十之九一
矢不費全軍還信是因禽執無咎丁男纍纍脫虎口那更遭
寒死川藪將軍下令收其尸餘澤猶能及枯朽歸者相見如
更生去者茫茫空有情婦哭夫男母哭子我來尙聽嗚嗚聲
兩句之前過此地安堵人人道無事乃知事事貴先幾慎勿
溘詩拾遺

卷一 楊文襄

元

XXIII

從勞後時計徙薪休待火方然墮戶須當寒未至東隅已失
桑榆收掩面不隔城頭羞將軍功過畧相準直須據實陳宸
旒

康海曰前歲土魯番之
旒百倍於此誰復紀哉

錢宗玉所藏王元章墨梅

吾聞王郎傲世者白眼看人氣凌駕平生好爲梅寫眞一幅
未論千金價古枝樛曲老不凋渴龍下吸長江潮微雲墮空
成點綴清風近人疑動搖

夢楊曰二句
與梅同神

世閒尤物信不妄意

匠無乃經營勞何遜林逋俱已矣冰姿玉骨無知己鐵心石
腸徒自喜此圖零落知幾年錢侯愛之入骨髓君不問物之

顯晦良由人浪傳仙筆能通神

何君竹逸持此圖爲惲君雪江書索予賦之

小仙酒酣圖老翁神氣炯炯雙方瞳
粵從西池謁金母錫以一粒蟠桃紅
惲君家住大江東瀛海咫尺蓬萊通
生辰開宴集賓客正及春王正月中
願君眉髮如翁白
燦盡山桃種其核
一年一宴三千年看桃開花更結實
夢陽曰此篇如半醉拓成意氣逼人

沈石田三吳山水卷

職方有數名具區三江之雄五湖腴
碧桃萬頃玻璃色生意頽仰隨鳶魚
千巖萬壑共拱揖林木葱蒨蒼煙集
翠微依稀入空莽茅堂生苔土花溢
洞庭山連明月灣柳枝蘸水濕不乾
石路縈紆穿細嶺陰風漸瀝生高寒
固知開鑿自天地雖

演詩拾遺

卷一

楊文襄

四

XXI

有雞犬非人間有誰獨往占幽僻
孤松鎮日相盤桓有誰臨流不洗耳
仰面踞坐聽潺湲有誰輕舸泛寒綠
酒酣耳熱回朱顏高山一曲不可和
丹崖千仞難爲攀我生足跡半南北
長載圖書隨傳驛吳帆三挂不一遊
老大追思空太息豈應好事不相逢
或者山靈闕題籍誰爲此圖石田翁
病眼摩挲似粗識谷口浮雲乍有無
澗邊野草仍蕭瑟此翁胸中富山水
興到不待相督迫鑒賞再遇今劉侯
此卷此人非偶得并刀欲剪恨不能
詩成畫去長相憶
夢陽曰亦以格高又曰好篇末句脫然

錢舜舉漁翁樂趣圖

漁翁樂漁翁樂祇向烟波寄生活
長江水明魚潑潑入手不

厭霜刀割前村老嫗新醅酸沽與妻兒恣歡誰世閒萬事耳
不聞兒啼嗥嘈猶苦聒兩舟結鄰自來往讎笑隱居真束縛
嚴陵羊裘不無心渭濱後車那可奪江淮以南密密多五湖
三湖皆風波漁翁之樂樂如何擬樵山中懼豺虎欲耕戶外
愁征科黃蘆瑟瑟秋風滿何處寒江無釣簑漁翁之樂不用
一錢買請君試聽滄浪歌

送戴揮使江西監苑

侃侃萬戶侯別有江西遊臨歧遺我絹七尺要我賦詩壯行
色知君不是汗漫行憲臺飛檄嚴王程一方轉漕賴監押兵
民命脈須關情權堅解紛良不易自古盤根知利器莫言異
渾詩拾遺卷一楊文舉

望

地不相謀須把一心勤國事姑蘇山水錢塘湖桐江之上如
畫圖鄱陽秋風渺空闊匡廬秀色凌虛無公餘登眺飛鷗舉
去歲東君今在否囊中詩句動百篇處處逢人皆快覩丈夫
生來志四方紛紛株守限封疆君才磊落眼前少雲夢胸中
未可量

夢陽曰
大作

撰鬚亭爲劉希載賦

撰鬚亭上客吟哦苦苦吟不了如鬚何嘲風詠月喜復且一吟
一撰將無多神遊象外坐無語仰面不避王公訶吾聞風雅
適情性枯腸無乃窮搜羅君不見唐家杜陵死狗癖飯顆甘
受詩仙呵后山閉門亦何事擁被呻吟如抱病亭前物色清

如許鬚固可斷心不磨君看于思能百戰爲語山谷休橫戈
張五老壽圖

留侯孫子生盛時醜顏紺髮雙黃眉錦堂春酒照春色人間
豈復殊瑤池堂前寶樹光風滿堂後春陰初日遲霓裳羽衣
且莫論請看翩翩戲綵兒玉桃花開金母宅仙翁食桃去其
核核多直與崑崙齊笑指滄瀛化卷石彩雲推中三老圖相
逢似語天地初青松古作丈人行白鶴下應山童呼神仙渺
茫不可問此翁此壽今所無

夢陽曰灑然之篇

廣武吟

廣武城西邊斬邊草沙白草何茫然我行旌旗耀天日千騎

續詩拾遺

卷一 楊文襄

望

XO 101 81

弓刀相後先須臾直北風塵起炮火絡繹隨雙烟毳衣羶帽
胡爲者百數十騎聲喧闐我士街枚寂不語卒然相逢彼魂
襁使遣輕騎畧追逐奔北不敢回頭視山高日景追難窮小

醜何足當吾鋒不聞周詩詠薄伐沉我素不希邊功

夢陽曰將畧堂

堂氣足以勝之不必兵也

下令收兵入城去且秣吾馬繫吾弓人言此地

此常事不道我公天上至吾儕幸脫虎口中前日遺骸猶野
棄中原無處無良因此輩流落真可憐爲王戍邊良不惡何

止要貪生處樂

夢陽曰流麗俊偉

昭君怨

馬駝絃管去不還朔風吹雪暗陰山鬢綠亂眉黛損生世

豈識燕支寒自倚朱顏天界美不賂丹青心不悔黃金有神
解移人何止妍媸能奪真玉鞍慘澹啼紅頰驚沙撲馬馬不
發馬上遥傳胡地辭如訴如怨聲嗚咽君王莫更傷蛾眉妾
自薄命非人爲自從漢女嫁胡兒漢塞已省防胡師亦知和
親非得策漢家將軍空虎纜人生於世貴有益玉骨胡塵豈
輕擲君不見宮中多少如花顏烟霧銷沈誰爲惜

陸水村所藏盛子昭臨僧巨然江山清遠圖

董源畫法世無前誰其繼之僧巨然肖形侔色非所貴點染
妙在風神閒武唐盛生近時起亦復經營極摸擬細觀巧思
入秋毫咫尺真同千萬里誅茅結屋柴桑徒見不可得況可

滇詩拾遺

卷一 楊文襄

四

XXXXXXX

呼疎林密石相映帶幽溪細路時有無如此江山清更遠竹
杖芒鞋嗟已晚小院飛花空復春閒庭落葉無人管水村愛
畫今劉侯殘紙斷墨勞兼收予生嗜好畧相似却愧賞鑒非
公儔塞鴻無聲沙月白兩兩扁舟遡空碧幾時歸共舟中人
長聽江聲看山色

夢陽曰
杜格

涯翁先生初度之辰和所作者英會圖歌韻爲壽

成功不居視若無閒情早賦歸湖圖擁門賓客爲稱壽惟公
與我同是文僊徒爬搔鬢髮秋霜改指點朋舊辰星疎悲歡
夷險飽經歷金石一念還當初是時朝廷方偃武中原掃蕩
無豺虎訐謀元自出綸閣勳蹟宜將載盟府懇辭恩廕但求

歸十疏回天謝簪組前身本是謫仙人袖中光華五色文甘
盤舊學帝所眷默運元化銷氛塵雷風春撞坐可定苦辛調
劑終能均伊周以上貌莫覩富韓文呂皆其倫生賢固待作
霖雨君看初度正及六月三三辰幾回詔主文場事藻鑑盡
收天下士至今桃李蔭餘春館閣說說連省寺回首江南佳
麗地招公不來豈天意姓名司馬誦兒曹出處東山繫斯世
一年一賦樂天詩老去風情信有之要看百歲從今數更閱
三年是古稀少日相逢開笑口白戰彩毫長在手中年仕路
各參商我持節鉞公台斗祇將書札謾論心翻爲風波聊聚
首西征起廢重入朝相顧瞻然成兩叟劇談深夜動清酌此
意亦知非在酒宋朝者英十二翁丹青照眼多名公奇蹤盛
事絕無而僅有與君擊節三嘆懷高風君今超然脫屣去獨
向泥滓瞻蜚鴻少君八歲精采較君弱蒲柳不與松筠同力
不稱心難奮庸早晚得歸隨老農年年學製南飛曲願托鶴
使附上雲霄中底須同社自同調氣感聲應蚓與蟲猗歟休
哉祥光午夜垂桑蓬豈無羣仙驂鸞來自東丹霞金鼎倘可
乞願力薪水長相從

壽麓翁先生

公生正當明盛年前身元是蓬壺仙玉皇勅註金閨籍日侍
幃幄供御筵帝曰良哉此忠蓋宮事府事成咨焉秋霜烈日

氣浩浩長江巨海胸淵淵披腹造膝近希有退食未罷聞傳
宣手持虞廷五色線密補袞繡光華全成功不居益惕若妙
用斂盡方寂然一封謝病優詔許授簡爲著開屠篇消磨歲
月盃中物陶寫性情囊裏絃揆余初度及佳節中元之後仲
秋前金風脩脩蕩餘暑玉宇澄徹朗白躔塔庭尙留螢四莢
壽算終期椿八千帝遣羣仙下稱壽雲際駕鶴來翩翩豐隆
驂乘望舒導芙蓉垂旌羽蓋懸一翁疑是羨門子獨騎蒼鹿
過芝田蟠桃有宴今始見眞珠爲漿瓊作鮮雙成吹笙弄玉
和九奏萬舞聲誼闐琪花瑤草亦無數青壁千仞世人想像
難攀緣吾聞皇天壽平格公有勳德誰齊肩神仙荒唐不須
論爲善獲福此理昭灼無私偏君不見蒼松矗空山拔地吾
識良工有深意

按帝遣羣仙以下乃題壽圖
之作觀篇末良工句自見

畫鴈

江岸蘆花秋斂斂江頭族鴈羣相逐啄者自啄宿者宿叫入
斜暉斷還續秋來砂磧已冰霜去寒就暖爭迴翔物生有性
各自適何處江湖無稻梁高飛冥冥謝矰弋借取扶搖雙健
翼惱亂游人萬里心驚起漁家數聲笛昨夜南樓聞北風天
長水闊雲濛濛何當便買舟一葉醉來掉入蘆花叢

夢陽曰
古調如

題方朔偷桃圖寄壽蜀楊翁一元

眞詩拾遺

卷一 楊文襄

四十五

X 116 0 118

度索之山萬仞高山前山後蟠仙桃花開結實六千載直與
元氣相遊遨丹霞作衣瓊作漿金母愛之不忍嘗何物小兒
能竊得化爲一叟鬚眉蒼叟今名注神仙籍種桃已見垂垂
實欲往從之天一方峨眉崔嵬錦川碧夢陽曰跌
蕩精神

假山爲曹少卿汝學賦

江南無處無雲根結爲幽石春復春族分類聚品格異震澤
所產還超羣沈潛水府乍出沒吞吐不厭泥沙渾夢陽曰堂
堂之作一

鴻千里倔強直與雷霆鬪偃蹇似作蛟龍蹲誰將鐵網下採取

怪狀奇形難具論城中見者驚且走共疑鬼斧劈崑崙危峰
硤硤文人行環視培塿皆兒孫突爾出仙掌若然開劍門孤

滇詩拾遺

卷一

楊文襄

吳

八川文。一七

撐挺相向眾附爭來奔洞如神剝穴天割倉卒變幻迷朝昏
或時廉稜露鋒及遊人有手不敢捫夢陽曰標
然難干乃知匠氏無

遺巧意象恍忽大概存曹卿愛山自韋布猶恨青山隔庭戶

開圍疊石今幾年人道經營有神助潤州佳山亦無數布襪

青鞋隨舉步清晨舉眼便看山頓覺霏微起烟素落日長涵

紫翠痕白雲深鎖莓苔路客來攜酒共登賞有屏可倚橋可

度或眠簀皇石或撫淵明樹真邪厲邪兩不知對境謾作曹

溪悟尤物於人故有緣作戒平泉真已誤爲君重和假山篇

亦欲相從向遲暮

蓉溪書屋爲金都憲舜舉賦

錦江之水天下清，錦江之花天下名。紫紆映帶數百里，芙蓉
點染秋波明。何人結屋溪頭住，間是君家讀書處。讀書萬卷
筆有神，一日乘風上天去。雲霄力倦還故廬，滿家袍笏滿床
書。弓裘文采照南國，物態態直與人情。俱君今再起，中台立池
上。又看雙鳳集，故知秋色老。偏宜夢里鄉，心夢還入君不見。
千林黃葉秋霜嚴，錦窠簇簇方爭妍。拒霜之名亦安用，花豔
經霜翻可憐。歲晚心情更誰識，舊日元都已無迹。芙蓉銷歇
溪水寒，繞屋松筠手親植。夢陽日題
外生意

南濠吟爲都元敬少卿作

環蘇皆濠南，濠獨佳。室廬櫺比舸，艦雲來遠睇。青蒼近濯汙

演詩拾遺

卷一 楊文襄

七

洄君子覲止，僉曰：雝哉有媿人，居於濠之涯。地喧心寂，匪俗
則諧。移家伊何郡，城之隈。濠是遠，而以莫不懷。堂構則嘉，煩
囂我侵羨。彼光福我幽，我尋山亦豈不遠。水亦豈不深，南濠
之思難爲平。鼓釜寔兮觴，清冷濠不在。眼常在，心水有源本。
有本我因君，發深省。滇南京口遙相望，兩地風情同石淙。君
不見濠溪之濠，廬山麓古亦有然，非我獨。

崆峒圖爲錢卷庵壽

崑崙東來萬餘里，崑崙爲崆峒。矗天起桃花，萬點映清溪。翠屏
丹崖，粲如綺。固知開鑿自鴻濛，誰其樓之廣。成子饑餐玉臺
霞，渴飲銀潢水。千二百歲何足論，直與天地相終始。昔者軒

轅來問道百十數言存至理忽騎元鶴遡空旻玩弄日月驅
風雲歸來還向舊山住世人可望不可親猶歎神仙之說知
有無良工謾寫崆峒圖作圖賦詩爲誰壽卷翁有道神仙徒
生平胸次澹秋水傲睨斯世如泥塗鼎中龍虎自看守若計
年歲直待滄海揚塵山石枯我遊崆峒陟仙臺決背寥廓心
顏開仙踪渺茫不可覓但見玄鶴兩兩旋繞肩與來我欲招
之跨汝遊八極國恩未報神仙於我何有哉
予在陝西遊崆峒山見兩玄鶴
旋繞與前稅駕江南已遲暮遙望仙山隔烟霧煩翁示我南華篇
共向桑榆保貞素

陸羽烹茶圖爲范原博賦

滇詩拾遺

卷一 楊文襄

吳

八三〇一三三

吾聞大羅天上茶有星日汲銀潢萬斛漱清冷玉皇應憐世
溷濁暫遣下謫爲人形江頭小兒啼嚶嚶誰其得之僧竟陵
長大如鴻漸于陸平生所著惟茶經香色味種各差別水品
火候一一探其精遂令世人嗜茶不嗜酒濁可使清醉可醒
劉伶安用與婦祀盧仝不待七碗通仙靈功成翻然返帝闕
至今設象懸清冥吾生偃蹇抱茶癖陽羨之山頻采摘研膏
焙乳勤僕奴絲煩釋滯功須策嫩人索賦煎茶圖便覺清風
生兩腋知君有意謝麤生從此睡足日高宵襟無拍塞

苦旱行 六月三日

熇氣漫空金伏初火雲萬疊隨陽鳥雷鞭不鳴電幟捲雨脚

欲墜看仍無遂令大塊一洪鑪煮石欲爛樹欲枯崇堂密蔭
如坐甑道上病暈何時蘇田疇裂坼禾半死空聽水聲隨轆
轤踏車未停水已竭巨沼剛存一池滂手皴足腫面如土始
信至苦惟農夫土龍芻狗竟虛幻漫向舞雩勤匍匐誰爲韓
子訟風伯欲效魯侯焚老巫石涼衰翁病初起履不著脚髮
不梳如惔如狂坐難定大叫直欲排清都亦知亢旱本人召
古有人早今誰宰江龍有神能作雨乘雲東去不受呼比郡
盡是斯人徒龍不一視柰爾虛銀潢之水固不涸願借天瓢
三萬壺濡焦植仆須與事且免餓卒填衢途不然吾將併訟
汝上天明明安可誣

滇詩拾遺

卷一 楊文襄

四

XIII 101 11

開府行

旌旗晝拂烟塵開鉦鼓動地聲如雷路傍羣叟暗相語不道
我公今又來當年從公玉關道我是壯夫今已老似聞軍令
尙精明頗覺容顏半枯槁弓刀萬騎如雲屯多是當年鞭策
人部將生兒還拜將部卒亦復稱將軍自公入朝佐天子功
成身退誠善矣胡爲乎來復此行遠涉沙場千萬里聖皇求
舊溫旨褒君臣之義安所逃不然七十二衰叟豈任絕塞風
塵勞黃河水深金城高我士酣歌馬騰槽亦知保障乃良策
忍使赤子塗脂膏羽書飛騎捷於鳥獵獵西風捲沙草劔氣
晴橫紫塞秋角聲寒咽黃雲曉不用彎弓射虜營坐銷氛祲

回光晶將軍帳前但飲博士女自織農自耕直遣謁胡齊北
渡我車旋指江南路經過到處題姓名他日知吾來幾度

日杜體唐鵬曰
公紀律固如此

清平李侯五端以兵部郎中出知吾鎮江府予老病久
不作詩而桑梓之懷有不能自默者爲賦長詩贈之因
憶鎮江前此郡守固多可稱而臺南林一鶚樂平黎天
與僊居王存忠龍谿林廷元之惠政得民爲深近日長
安劉士奇能繼數公後民方安之忽遷山西提學副使
以去予不能無憾於吏部也見山桂公爲擇李侯謂予
曰是足代劉矣予喜甚故併識之夫以李侯之才之識

滇詩拾遺

卷一 楊文襄

五

XXXXX

古循吏有不足爲者予姑自鎮江之民所知者言之耳
皇仁如天覆九有詔問百姓今安否僉曰民安須郡牧古二
千石今太守潤州咫尺帝都雄虎踞龍蟠在眼中長江西來
渺不極金焦爲障狂瀾東老我僑居餘五紀作守循良數人
爾前有林黎後王林至今頌聲猶在耳長安之劉才且文民
歌清靜如前人胡爲奪之提學去悉使赤子雙眉鬢桂太宰
言公莫戚有李郎中與劉匹不然吾亦子潤民寸心豈敢忘
疇昔李侯平生真好修鄒魯之鄉儒者流丰姿玉樹出塵表
心事璧月懸清秋一夜春雷從地起珂馬蕭蕭發行李潞潞
朝垂楊柳風官河暮泛桃花水江南花柳盛春光君行無地

不春陽人道福星臨鐵甕車隨甘雨入黃堂去年禾苗半枯
槁生事不如山水好極知撫字是良圖莫遣催科爲公惱病
來久謝作詩魔早晚拂袖歸山阿佇立康衢聽民語爲君擊
節甘棠歌

題畫松

朔風捲地寒凜烈千巖萬壑無顏色貞介獨餘秦大夫力抗
元冥挺高節燕山有客清且狂平生毫素久擅場八月九月
天氣涼解衣盤礴閒清觴揮毫吮墨鬼神泣寒飈颯颯生高
堂須臾幻出數株鐵徂徠乃在身之傍潛龍出壑鱗甲動逸
叟倚杖鬚眉蒼歲寒心事此圖識吾識良工有深意

滇詩拾遺

卷一

楊文襄

五

川 01.01.11

